

OBAVJEŠTENJE ZA IZVRŠENIKE ZA RAČUNE KOMUNALNIH USLUGA

Nakon što ste zaprimili rješenje trebate prvo provjeriti da li zaista dugujete ono što se od vas traži.

Ukoliko je traženo dugovanje uplaćeno

IMATE DOKAZ DA STE UPLATILI TRAŽENO DUGOVANJE prije podnošenja prijedloga za izvršenje:

1. **KONTAKTIRAJTE TRAŽIOCA IZVRŠENJA.** Ako se navedeno dugovanje odnosi na neplaćene račune za komunalne usluge, najbolje bi bilo da lično odete u poslovnicu.
2. **IZJAVITE PRIGOVOR SUDU.** Obavezno priložite dokaze iz kojih je vidljivo da je dugovanje plaćeno ili obaveza ispunjena.

Ukoliko imate dokaz da ste uplatili traženo dugovanje nakon podnošenja prijedloga za izvršenje, postupak je isti. Da bi se postupak obustavio morat ćete platiti sudsku taksu i - ukoliko tražilac izvršenja insistira na tome - zakonske kamate.

Ukoliko zaista dugujete traženo

ZAISTA STE DUŽNI ODREĐENI IZNOS ILI STE PROPUSTILI UPLATITI NEKE RAČUNE, odnosno ispuniti svoju obavezu. Imajte na umu da dugovanja trebaju biti izmirena. Što prije ispunite svoju obavezu, manji će biti i ostali troškovi koji nastanu jer sud vodi postupak.

1. **KONTAKTIRAJTE TRAŽIOCA IZVRŠENJA.** Ako se navedeno dugovanje odnosi na neplaćene račune za komunalne usluge, najbolje bi bilo da lično odete u poslovnicu.
2. **OBAVIJESTITE SUD** ako ste naknadno uplatili dugovanje tražiocu izvršenja ili ispunili svoju obavezu.
3. **IZJAVITE PRIGOVOR ZASTARE SUDU** ukoliko uvidite da je prijedlog za izvršenje sudu podnesen nakon isteka godine dana od dana koji je na računu naveden kao rok dospeljeća. Zastara ne znači da niste dužni, samo je prošao rok koji je zakonom određen da se traži ispunjenje obaveze. Zbog činjenice da ispunjenje obaveze nije traženo na vrijeme i na propisan način, imate pravo da ne ispunite svoju obavezu, ali samo pod uslovom da je protekla godina dana od dana kada vam je uručen neki račun do dana kada je tražilac izvršenja pokrenuo postupak protiv vas. Obaveza izvršenika je da se pozove na zastaru i da je dokaže. Ukoliko ispunite zastarjelu obavezu, nemate pravo zahtijevati vraćanje onoga što ste dali, čak i ako niste znali da je obaveza zastarjela.

Ukoliko imate pitanja ili trebate više informacija, kontaktirajte Općinski sud u Žepču, na broj telefona:

+387 32 881-453